

aliam sententiam adoptat *Keplerus*, quam
in Astron. part. opt. p. 248. proponit: Non
invitus, inquit, cum *Plutarcho* in hanc sen-
tentiam concedo, cujus mihi jam pridem &
Mestlinus Præceptor meus autor fuit, Di-
coque Lunæ tale esse corpus, quale hæc no-
stra terra est, ex aqua & continentibus unum
efficiens globum. Idem *Keplerus in Nunc.
Sider. Galil. p. 32.* citat *Mestlinum*, testantem
se pluvias observasse in corpore Lunari
vespere Dominicæ Palmatarum Anno 1605.
Imò in eadem dissert: alicubi dicit, vero non
absimile esse, non tantùm in Luna, sed etiam
in Jove incolas esse, quos detectum iri non
desperat, si dentur naves aut vela per auram
cælestem; Ab hac sententia parum abest
Adrianus Metius, Doctr. Sph. L. V. quo in
loco refert, *Jacobum Metium*, Germanum
suum, habuisse tubum opticum, cujus ope,
ad trium miliarium distantiam, litteras di-
stinctè legere potuerit, atque ejusdem bene-
ficio in corpore Lunæ conspexisse montes,
& opposito solis, umbram de se spargentes,
itemque valles, & instar jugerum, atque
marium planities. Eandem opinionem quo-
adi